

Protocol no. 87Sezzüda da gövgia, als 9 schner 2014 20.00 - 22.45

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

**Protocol**

Il protocol no. 86 da la sezzüda da gövgia, als 19 december 2013 vain approvà.

**784 021 FABRICA**  
**Hotel Val Sinestra; sbodamaint e reconstrucziun da terrassas,**  
**parcella no. 1528**

L'acconsentimaint davart da l'uffizi per il svilup dal territori dal Grischun (BAB) ais avantman. In basa da quai e da la proposta da la cumischiun conced'ìl cussagl il permiss da fabrica cun vusch unanima.

**785 021 FABRICA**  
**Johannes Bürqi; fouras geotermicas sün terrain cumünal,**  
**parcella no. 276 in Plaz**

Il schef da fabrica, Dumeng Jann, piglia recusaziun. L'acconsentimaint davart da l'uffizi per la natüra e l'ambiant ais avantman. In basa da quai e da la proposta da la cumischiun conced'ìl cussagl il permiss da fabrica cun vusch unanima.

**786 800.364 Meglioraziun**  
**Rendaquint final dal proget**

Il capo, A. Mayer, orientescha detagliadamaing sur da la sezzüda cul rapreschantant da l'uffizi per cumüns, M. Poltera. Davart dal cussagl d'eiran M. Caviezel e D. Jann da la partida. Davart la meglioraziun d'eira preschaint il president, Jöri Felix. Id ais gnü discutà e scleri la dumonda in connex culla somma da fr. 750'000.00 cha'l Chantun ha miss in vist'al cumün da Sent, in cas scha quel decidess da fart part a la fusiun dals 6 cumüns. Da tuot la discussiun resulta:

- cha scha Sent fusiunescha survain il cumün amo la somma da fr. 560'000.00 davart dal Chantun, quai vuol dir fr. 750'000.00 main l'import fingià retschavü da fr. 190'000.00.

- cha scha Sent nu fusiunescha nu survain il cumün ingüna contribuziun supplementara.

**Problematica lö da la staziun da trafo a Chavorgia**

Il vicecapo, A. Poo, orientescha. Il cussagl ha tut cugnuschentscha da la corrispondenza drizzada dals pertoccats per l'üna ad el e per l'otra a l'Energia Engiadina. Davart da l'EE ais gnü dumondà, schi bsögna propch'ün müdamaint da la zona. Vess quai d'esser il cas, schi valüta la ditte quai sco ün pregüdzizzi e metta lura in dumonda la realisaziun sün quel lö.

**Proget sanaziun chasa da scoula**

A. Poo orientescha, cha'l cussagl da scoula e la cumischiun dal proget prevezzan da cuntinuar cul proget sco quai cha quel ais preventivà (fr. 1,24 miu. pel 2014). Cun quai vain i d'accord.

**Incumbenzà per surfatschas da terrain agricul**

Men Caviezel orientescha sur da seis sclerimaints fats cul uffizi chantunal d'agricultura e da geoinfuormaziun. Da quella vart vain scussglià da publichar quell'incumbenza, i dess bleranzi il cumün tscherchar la persuna adattada per quella lezcha.

Il cussagl destinesch'uschè, cun vusch unanima, a Jöri Felix sco nouv incumbenzà per surfatschas agriculas da nos cumün. Ad Emil Poo vuless el exprimer seis plü cordial ingrazchamaint per seis premurus ingaschamaint a bö'n dal cumün d'ürant üna blerüra d'ons.

**Sporta d'ün shuttle bus / pista dal Sömmi Sent**

Davart dal Turissem Sent vain infuormà e confermà in scrit, cha quel ais pront da surtour la mità dals cuosts pella sporta manzunada. Il cussagl piglia cugnuschentscha cun satisfacziun da quel fat.

**Festa dals 1. avuost / 100 ons giubileum Parc Naziunal Svizzer**

Il Capo ais invidà da far part a quella e dumonda schi regn'interess eir pro seis collegas quai chi nun ais il cas. El s'annunzcharà però pella part chi's splaja vi pel di, la saira ais el darcheu in cumün.

**Object Posta Sent / rendaquint final lavuors da sanaziun**

Il Capo, A. Mayer, preschaint'ed infuormescha sur dal rendaquint final chi'd ais gnü inoltrà davart dal respunsabel pella guida da fabrica, Dani Koller. Ils cuosts totals s'amuntan, inclus ipv. a fr. 36'194.00. Il preventiv resp. stima da cuosts fat buna prevezzaiva cuosts da fr. 31'500.00. La differenzcha ais argumantada, nempe:

- id ha stuvü gnir, in möd imprevis, montada üna paraid da separaziun (fr. 3'463.00)

Da manzunar ais eir il fat, cha la somma previssa pella guida da fabrica ais gnüda correta davart dal TESSVM da fr. 3'000.00 giò sün fr. 500.00, dimena ün fat zuond satisfacent. Il cussagl accept'l rendaquint sco preschantà e til fa bun cun vusch unanima.

L'actuar:  
Marco Fallet

Il Capo:  
Albert Mayer: